

Feeste en wat ons doen

Die feeste

Om met die feeste te begin, moet ons by die belangrikheid daarvan uitkom. In *Deut. 16:16* staan: *Drie maal in die jaar moet al jou manne voor die aangesig van die YAH verskyn op die plek wat Hy sal uitkies; op die fees van die ongesuurde brode en op die fees van die weke en op die huttefees (Tabernakel)*

Maar die volk van YAH doen nie Sy feeste nie, daarom die boodskap in *Jes. 24:4* *Die aarde treur, dit verwelk; die wêreld versmag, dit verwelk; en die hoogstes van die mense van die aarde versmag. :5 Want die aarde is ontreinig onder sy bewoners; want hulle het die wette oortree, die insetting geskend, die ewige verbond verbreek. :6 Daarom verteer die vloek die aarde en moet sy bewoners boet; daarom word die bewoners van die aarde deur 'n gloed verteer en bly daar min mense oor.*

So die wat wil hoor of weet (*les dit wat saak maak*) begin met YAH se feeste sodat jy onder SY seëninge kan kom.

Shabbat

Ek begin by die fees wat YAH ons eerste geleer het en dit is die “Shabbat”. In *Gen.2:8* stel YAH die Shabbat in dat die mens dit moet onderhou. In *Ex.16:23-30* bevestig YAH dit en in *Ex.20:8-11* maak YAH dit ‘n wet wat onderhou moet word. In *Matt.12:8* sê “YAH [YAHUSHA]” dat Hy die kernpunt van ‘n Shabbat is.

Die uitwys en bevestiging van ‘n Shabbat is baie in die Skrifte (*Soos wat jy veronderstel is om te doen en wanneer*). *Ex. 34:21* staan: *Ses dae moet jy arbei, maar op die sewende dag moet jy rus. In die ploegtyd en in die oestyd moet jy rus.* *Lev 23:3* staan: *Ses dae lank kan werk gedoen word, maar op die sewende dag is dit ‘n dag van volkome rus, ‘n afgesonderde vierdag; géén werk mag julle doen nie dit is ‘n Shabbat van YAH in al julle woonplekke... ens.*

Om oor te gaan na die volgende fees moet verstaan en gesien word dat die feeste as ‘n danksegging en lofprysing moet wees (*Ongelukkig sit ons met sewende maand en Maan aanbidding van Skrifvertalers “Jode”*). Vir ‘n baie lang tyd verblind hulle ons deur ander volke se rituele en gewoontes; Daarom soos ons verder gaan sal ek dit uitwys, en ek gaan ook deurgee wat ons veronderstel is om te doen op daardie spesifieke feestyd.

Die volgende feeste is slegs eenmaal ‘n jaar en daarom gaan ek die feeste agtereenvolgend deurgee soos die jaar loop van die begin tot die einde.

Trompette:

YAH het aan Moses opdrag gegee om trompette te maak in Num.10:2 -10. Trompette was daar om mense te vergader of om sekere opdragte deur te gee. Dit was daar vir 'alarm' of om net te blaas om vrolik te wees. YAH het ook die trompet as 'n ewige insetting daargestel (*Hetsy watter doel gedurende die jaar*). In Num. 10:10 *Staan: Op die dag as julle vrolik is, sowel as op julle feestye en by die begin van julle maande* (begin van Seisoene) *moet julle by jul brandoffers en by jul dankoffers op die trompette blaas: hulle sal dien om julle in gedagtenis te bring voor die aangesig van YAH. Ek is YAH. So het die volk dan die opdrag eerbiedig gedoen wat in Ex.12:2 staan nl.: dit moet vir julle die eerste maand van die jaar wees. Wees vrolik en kom in YAH se gedagtenis!* In Num.29:1 *Staan: En in die (sewende) eerste maand, op die eerste van die maand, moet daar vir julle 'n reine samekoms wees; géén beroep-werk mag julle doen nie; dit moet vir julle 'n dag van trompet geklank wees. Eseg.45:18 So sê YAH : In die eerste maand, op die eerste van die maand, moet jy.... Ps.81:4; 98:4 – 6; 2 Kron.29:26 – 28; Ex.12:2; Jes.66:23*

Wat doen ons op daardie dag? Wees vrolik, want 'n Nuwejaar het aangebreek. Sit musiek aan en sing vrolike liedere tot YAH (*Geen ander vrolike se musiek, hetsy tradisionele of volksliedere*). As jy musikaal is gebruik dit om YAH te vereer. As jy die ramshoring geleer blaas het doen so. Braai 'n vleisie en geniet die feesdag saam met jou mede *Yashar'EL*. "Geen beroep-werke vir die dag nie".

Versoendag :

Versoendag is een van die feeste wat die Jode baie belangrik vind en daarom die "sewende maand" scenario (*Die 7de maand waar "Herfs" intree voor Winter*) Eers moet ons die doel en belangrikheid van die dag besef. In Lev. 25:8 – 27 word die volk opgeroep tot 'n afgesonderde samekoms tot verootmoediging. In vers 27 staan: *Jy moet jou verootmoedig en tot diepe berou voor VADER staan.*

In die Tabernakel was die Verbondsark met sy versoendeksel op waarvan die Levities se priester na die Ark (*Eenmaal in 'n jaar*) in dié aller afsondering ingegaan het om vir die volk versoening te pleit (*Op die Ark was die versoendeksel waaruit VADER gespreek het en dat YAH [YAHUSHA] daardie seremonie kom vervul het sodat ons deur Hom versoening kan ontvang met VADER*).

In Ex.12:3 staan: *Spreek tot die hele vergadering van Israel Yashar'EL en sê: Op die tiende van hierdie maand* (Abib die eerste maand van die jaar) *moet hulle elkeen 'n lam neem volgens die families, 'n lam vir 'n huisgesin.*
 In Jos 4:19 word dit mooi uitgewys nl.: *En die volk het op die tiende van die eerste maand uit die Jordaan uit opgetrek en laer opgeslaan by Gilgal, aan die oostelike grens van Jérigo* (M.a.w. hulle het deurgegaan en Versoeningsdag gaan hou by Gilgal).

Jos 5:10 Terwyl die kinders van Israel Yashar'EL by Gilgal gelaer was, het hulle die Pasga gehou op die veertiende dag van die maand in die aand, in die vlaktes van Jérigo. Duidelik sien ons dat hulle twee feeste gehou het met die laer opgeslaan.

Net tot openbaring oor en woord 'sewende maand' wat so lyk "בחדש השביעי" in Hebreeus. Wat ek doen is om al die invoegsels weg te vat en nie die 'jod' nie, maar wel spasies om meer na die ware betekenis te kom. As ek die eerste wegvat kry ek: 'adjure' wat beveel, besweer of smeek gee. As ek die tweede wegvat gee dit vir my: 'administer' wat administreer of handhaaf is. 'n Derde: 'An oath swear' en dit is om 'n eet af te lê. Ek maak by voorbeeld 'n spatie tussen party van die letters dan kry ek: 'captivity, imprisonment, exile' wat gevangenskap of ballingskap is. Die opvolgende woord beteken: in die maand = בחדש .

Hier is my interpretasie van die vers: *Lev 16:29 En dit moet vir julle 'n ewige insetting wees: ~~in die sewende~~ om 'n eed af te lê en om dit te handhaaf as ballinge in die maand, op die tiende van die maand, moet julle jul verootmoedig en géén werk doen nie* "In die maand" is die maand waarvoor Moses die inwyding opdrag ontvang het en dit was 'Abib' Ex.40:17

Nou soos ons weet mag ons nie 'n 'jota' of 'n titteltjie verwyder uit die Skrif nie, "maar" het 'hulle' wat die Skrif vertaal het nie alreeds verwarring deur jota en tittel daarin geplaas nie? Wat opgelet moet word is dat dit wat jy doen (soos bo uitgewys is) moet die konteks of begrip nie verander nie. M.a.w. die fees wat gedoen en onderhou moet word moet oor dieselfde saak gaan. Die vers (in die algemeen) moet uiteenlopend uit die vorige vers wees, maar die spesifieke vers klink vir my snaaks weens die "sewende" wat nie daar hoort nie.

'n Volgende vraag oor die maand scenario moet nou beantwoord word soos: Was hulle al sewe maande weg van Egipte om dié fees te kan vier ?

Kom ons kyk wat die Skrif vir ons deurgee:

Die eerste maand (Abib) trek die volk uit Egipte Ex. 13:4

Die manna val in die tweede maand Ex. 16:1

Die derde maand klim Moses op die berg Sinai Ex. 19:1

Die eerste maand (Abib) van die tweede jaar (*na die uittoeg*) rig Moses die Tabernakel op en wy dit in. Ex. 40:17

Die eerste maand (Abib) van die tweede jaar (*na die uittoeg*) begin salwing van alles in die tent en so ook “versoening” tussen Leviete (*wat ook die volk insluit*) en YAH. Lev.8:34 en 9:7

So ja hulle was reeds sewe maande al weg uit Egipte, maar het eers die opdrag ontvang die eerste maand van die tweede jaar uit Egipte. Dus Lev.16 gaan oor “versoening” wat bevestig wat in Ex. 40 staan.

Kom ons kyk na orde nl: (1) Daar moet ‘n Nuwejaarsfees wees om jou te verbly in ‘n nuwe begin (*Trompette fees*). (2) Daar moet ‘n versoening aan die begin van ‘n jaar wees sodat VADER met jou die res van die jaar kan wees en jou seën en bewaar (*Versoendag*). (3) Dood moet ons verbygaan en ons moet besef wat ons voorouers deurgegaan het (*Pasga wat saam met die sewe dae ongesuurde brode gaan*). (4) Ons moet onself verbly met die opbrengs wat gesaai was in die eerste maand (*Eerstelinge/fees van die weke*). (5) Ons moet onself verbly in elke nuwe seisoen wat aanbreek, want elke seisoen lewer ‘n nuwe vrug voort (Seisoen vernuwing). (6) Gedurende die jaar ontvang ons (*ek praat 100% van die seisoene bo in Israel*) allerhande vrugte en groente waarvan dit begin het in April en eindig in November waarvan ons dankie moet sê aan die einde van die jaar (Insameling fees / Hutte fees). (7) Laastens kry ons Oujaar. Aan die einde van ‘n jaar spoel Oujaar gewoonlik oor na die Nuwejaarsdag wat ‘n groot feesviering is (“*Agste dag*”*Die agste beteken ook ‘laaste kans’ om in te kom*). Lev 16:29 so ook 23:24; 23:27 wat sê: in die “sewende maand” lees dit met ‘n geruste hart: om ‘n eed af te lê en om dit te handhaaf as ballinge (*Vry / los gekoop*) Matt. 5:23, 24; 27:51; ens

Wat doen ons op daardie dag? Die manne kom bymekaar en versoen onder mekaar en as daar vergewing moet plaasvind moet dit eers gebeur. Elke man moet in afsondering gaan om alleen met VADER te versoen (*Vra vergifnis vir wetend en onwetende wetsoortreding*). ‘n Dag van reiniging vir die fees en vir die jaar wat voorlê. Geen beroep-werke. Soos ‘n Shabbat moet die dag deurgebring word. ‘n Vasdag moet dit wees. So geen etes vir die dag nie. ‘N dag van afsondering voor VADER moet dit wees.

Pasga en Ongesuurde brode:

Pasga of PASSOVER in Engels, beteken verbygaande fees. Oral waar die bloed van 'n lam (*YAHUSHA*) aan die deur kosyne en poste gesmeer was het die dood verby gegaan. Die fees van verootmoediging 'die 10 de' het hulle 'n lam gevang en vir drie dae afgesonder vir Pasga 'die 14 de'. Ex.12:6 *YAHUSHA* het duidelik deurgegee dat Sy Liggaam die Brood / Manna is en dat Sy Bloed die wyn is wat gedrink moet word. Ons moet inderwaarheid eers die wyn drink om skoon te kom sodat die brood jou kan vul. Hy het Sy Bloed vir ons gestort sodat ons die gawe van die Gees van VADER kan ontvang in die 1000 jaar van vrede. Die ongesuurde brood was die uittog tydperk uit Egipte wat met bitter en smarte gepaard gegaan het. In Ex.12:15 kan gesien word dat die ongesuurde brode met Pasga begin.

Matt.26:17 staan dit ook: *En op die eerste dag van die ongesuurde brode kom die dissipels na YAHUSHA en sê vir Hom: Waar wil U hê moet ons vir U klaarmaak om die Pasga te eet?*

Ex.23:15; Lev 23:5,6; Num.9:5; 28:16,17; Deut.16:1-6; Jos 5:10; Eseg.45: 21,25; Matt.26:2; Joh.13:1; ens.

Wat doen ons op daardie dae? Geen suurdeeg mag in jou huis wees nie. Ongesuurde brode moet jy eet, (*brood van bittere smart*) en braai vleis. Voor die vleisbraai doen eers die Pasga maal (*Wyn en die brood*). Die vleisbraai is deel van vuur bereiding (*niks met YAHUSHA te doen nie*). Geen beroep-werke op die dae nie. Ons weet dat *YAHUSHA* dié Lam is wat Sy Bloed gestort het en daarom gaan die dood ons verby met die beskerming daarin. Die brood wat Sy liggaam vergelyk moet 'n bitter en smart gedagte hê, want met bitter en smart het Hy vir ons daardeur gegaan om versoening vir ons te bewerk en daarom is die twee feeste nie apart gevier nie, maar wel saam. Die eerste en die laaste dag van die fees moet jy afsonder sodat jy die dae met *YAH* verkeer. Die ander feesdae tussenin behoort aan jou en jou naaste. Die eerste en laaste dag is soos 'n Shabbat met die verskil dat jy wel voedsel mag voorberei op die dae (Ex.12:16).

Fees van die weke / Pinkster

Fees van die weke of ook genoem "Eerstelinge" fees soos "**PEN"TECOST**" beteken vyftigste, en vyftig beteken Eersteling fees; So beteken dit ook weer, 'Lossing' / Redding. Dit is alom bekend as die uitstorting van die Gees van VADER, M.a.w. *YAHUSHA* in dié Gees (VADER stuur SY Seun). "Fees van die weke" word ook so genoem, want dit word gevier sewe weke vanaf Pasga. Sewe beteken op sy beurt weer: volledig of 'n siklus wat voltooi het.

Die vyftig dae of sewe weke is 'n tydperk deur YAH daar gestel sodat Sy volk hulself kan reinig vir die lossing op die fees. Presies vyftig dae nadat die *Yashar'EL* uit slawerny (*Egipte*) getrek het, het hulle die Wet van YAH ontvang op die berg Sinai. Presies vyftig dae of sewe weke na YAHUSHA se foltering is die uitstorting van die Afgesonderde Gees. YAH was baie streng op Sy eersteling van alles wat Hy op aarde geskep het en so ook duidelik in Sy Wette deurgegee het. Sy volk '*Yashar'EL*' het Hy (*YAHUSHA*) ook ontvang as eersteling van al die ander volke op aarde en daarom is Hy so streng op ons en tog verlief op Sy Uitverkore. Alle offergawes is vervul/ volbring met YAH-U-SHA maar nie die feesdae nie (Joh.19:30). Ons moet die feesdae vier ter ere en dank aan VADER en Sy Seun as dié Uitverkorene. *(Baie belangrik is die eersteling van jou opbrengs / inkomste van die nuwe jaar wat aan VADER behoort. Die eerste dag se werk van die nuwe jaar wat 20 Maart begin het in loon (Bv.: R5000.00 loon ÷ 22 werksdae = R227.30) Die eerste pluk-kas van jou vrugteboord; Die eerste gerf van jou koring, ens. Hetsy watter formaat die eersteling was van die opbrengs of inkomste, sit dit oor in geld en bring dit na VADER. Dit behoort nie aan jou of jou naaste nie. Ook maak dit nie deel van die 1ode offer nie).* In Deut. 16:9 – 16 en Ex. 34:18 – 22 staan: *Die fees van ongesuurde brode* (saam met Pasga), *die fees van die weke...* *die fees van die eersteling van die koringoes*, (M.a.w. In die begin van die jaar 1 Abib 20 Maart) *en die fees van die insameling by die wisseling van die jaar* (Einde van die jaar die 12 de maand, 19 Maart). Ex.34:22-24; Lev.23:10-21; Deut.16:9-16; Num.28:26; Jer.2:3; Jak. 1:18; Hand.2:1; 17-19 (*Open.14:4 sê die wat hulle nie besoedel het met kerklike dogma nie is rein*)

Wat doen ons op daardie dag? Die manne moet bymekaar kom en bid tot VADER in danksegging en vir ontvangs. Ons beweeg nie meer die suurdeegbrood nie, maar eerder onself. 'n Gesellige en vreugdevolle dag vol van gesange moet dit wees. Geen beroep-werke. Braai vleis of geniet die dag saam met u gesin.

Fees van Insameling/Tabernakel :

Nog een van die feeste wat die Jode met wellus gebruik asof dit hulle s'n is. Dit kan gesien word in 2 Kon.17:30 waar die manne(Jode)van Babel Sukkot-Benot gemaak het (*Wat hulle huttefees was*). Die Babiloniese Jode het al *Yashar'EL* se feeste probeer intrek na hulle "sewende" maand en maan aanbidding. Hulle aanbidding is direk uit Babel. In tente en skuilings het die *Yashar'EL* gewoon in Egipte en so ook in die woestyn.

Om dit te herdenk moet daar elke jaar ‘tente of tak skuilings’ buite gemaak word om in te slaap. Tabernakel beteken ‘n tent of ‘n tydelike hawe; Ook beteken dit ons liggaam wat ‘n tent voorstel wat ook tydelik op aarde is. Tabernakel dié woonplek (*beskerming*) wat YAHUSHA is, en dat die skuiling VADER se beskermde hand is.

Ex.34:22 Die fees van die weke moet jy ook hou, (Pinkster) die fees van die eersteling van die koringoes; en die fees van die insameling (Tabernakel) by die wisseling van die jaar. Insameling aan die einde van die jaar as jy jou werk uit die land insamel. Ex.23:14-17 verder die fees van die oes, van die eersteling van jou werk, van wat jy op die land saai; en ook die fees van die insameling aan die einde van die jaar as jy jou werk uit die land insamel. Lev 23:34 Spreek met die kinders....sewe dae lank die Tabernakel fees vir VADER (Die Yashar’EL het in tabernakels {tente} gewoon met die Egiptiese verblyf en so ook in die woestyn). Deut.16:13 Die Tabernakel fees moet jy sewe dae lank hou as jy van jou dorsvloer en jou wynpers insameling hou. Lev 23:34 staan: Spreek met die kinders van Israel Yashar’EL en sê: Op die vyftiende dag van hierdie (sewende) maand is dit sewe dae lank die Huttefees (Tabernakel of Insameling vir VADER). :35 Op die eerste dag moet daar ‘n reine vierdag wees; géén beroep-werk mag julle doen nie. :36 Sewe dae lank moet julle aan VADER ‘n vuuroffer bring. Op die agtste dag moet daar vir julle ‘n reine vierdag wees,...(lees mooi wat gesê word in die gelese stuk nl. : sewe dae, ‘maar’ daar is ‘n Agste dag ook. Dit is die Agste dag viering aan die einde van die jaar “Oujaarsdag”). Deut.14:28 Aan die einde van drie jaar moet jy uitbring al die tiendes van jou opbrings in dié jaar en dit in jou poorte wegsit; Deut.16:13 Die huttefees moet jy sewe dae lank hou as jy van jou dorsvloer en jou wynpers insameling hou.

Lees nou aandagtig: Deut. 31:10 En Moses het aan hulle bevel gegee en gesê: Aan die einde van sewe jaar, op die bepaalde tyd van die jaar van kwytskelding, op die huttefees, Jer. 34:14 Aan die einde van sewe jaar moet julle elkeen sy broer, die Hebreër wat aan jou verkoop is en jou ses jaar lank gedien het, laat weggaan; ... Deut 15:1 Aan die einde van sewe jaar moet jy ‘n kwytskelding laat plaasvind.

Wanneer hou ‘n boer insameling? Wanneer is kwytskelding?

Ons werk in die Skrifte op hulle seisoene en kalender waarvan die sewende maand Herfs is (*Kyk gerus op die Saai en maai kalender onder*). Om die fees te herdenk moet daar elke jaar in ‘n tak en blaar skuiling geslaap word. Dit moet buite gemaak wees (*selfs tente*).

Tabernakel beteken beskerming wat VADER se hand (YAHUSHA) beteken wat jou beskerm. Wat ook mooi uitstaan is dat VADER wat die tabernakels (onself) daar gestel het en kom volmaak het met SY Seun YAHUSHA. In die Skrif sal jy verskeie plekke kry wat die Jood ingebring het. Hulle het die Tabernakel fees op 'n7de maand laat val wat vals is, want hulle kalender is op die maan gebaseer. Ex.23:16; Num.29:12; Deut.16:16; Neh.8:15-17; Joh.7:2

Wat doen ons op daardie dae? Vreugdevol met gesang en jubel. Slaap buite jou huis in tak skuilings of in tente. Die eerste en laaste dag is soos 'n Shabbat. Braai vleis die dag daarna, sing liedere en wees vrolik. Lees die Wette van VADER voor vir die wat daar is elke dag van fees. Geen beroep-werke.

Agste dag :

Neh. 8:16 ...: Trek uit op die gebergte en bring olyftakke en oliewenhout takke en mirte takke en palmtakke en takke van digte bome om hutte te maak ... Neh. 8:19 En hy het dag vir dag, van die eerste dag af tot die laaste dag toe, voorgeles uit die wetboek van VADER; en hulle het sewe dae lank fees gehou en op die agtste dag 'n feestyd volgens verordening (In die winter). *Lev 23:39 Maar op die vyftiende dag van die (~~sewende~~) maand, as julle die opbrings van die land insamel, moet julle die fees van YAH sewe dae lank vier; op die eerste dag is dit rusdag, en op die agtste dag is dit rusdag. Num.29:35 *Op die agtste dag moet daar vir julle 'n feestyd wees; Neh. 8:19 ...en hulle het sewe dae lank fees gehou en op die agtste dag 'n feestyd volgens verordening. Die agste dag is die laaste dag van die jaar en beteken dat dit die laaste geleentheid is vir inkom voor die deur gesluit gaan word. Ex. 22:30; 23:16; 34:22; Deut.16:13,16; Neh.8:15-19; Joh. 7:2,37**

Wat doen ons op daardie dag? Slaap buite as jy wil, anders in jou huis. Die dag is soos 'n Shabbat. Bery die vorige dag etes voor. Sing liedere en wees vrolik. Lees die Wette van VADER voor vir die wat daar is op die feesdag. Geen beroep-werke.

Seisoen vernuwing:

Hier kom die maan-aanbidders nou na vore. Die Jode voel sterk oor die maan daarom hulle maan-kalender. YAH het gespreek en gesê: "SON" en die daglig het begin; Die Jode sê: 'Nag' en die son het gesak en die nag het begin...; (*Sodat hulle met hulle maan kalender kan werk ja*). Die huidige Roomse Gregoriaanse kalender wissel die dag om middernag 12 uur, tog moet dit die teenoorgestelde wees. 12h00 Middag begin die "aand" soos YAH dit uitgespreek het.

Ons werk tog met lig en so het YAH die lig geskep om dag en nag te skei. 12 Uur in die dag is die son in die middel van die dag en dit maak nie saak waar jy op aarde is nie. Die son horlosie van Agas in 1 Kon. 20:11 gee baie deur toe YAH gespreek het: “*laat daar lig wees*” Dus moes die lig tog verskyn het en nie onder-gegaan het nie! Jes. 38:8 Die Maan is nie ‘n ligbron nie (*Moontlik ‘n truikaatser daarvan*). ‘n Maan maand het 29 dae waarvan die Joodse maan kalender kort, kort aangepas moet word om in seisoen te bly.

Volgens deskundiges beweeg die maan al verder van die aarde weg en daarbenewens is sy omwenteling groter en vat langer om op die aarde te roteer . Ons werk dus met lig en nie in duisternis nie. Hoekom sal al die feeste met Lig te doen hê, maar die seisoen vernuwing moet op volmaan gedoen word in die nag! Luister mooi hoe het die vertaler homself deurmekaar gepraat in *Ps. 81:4 Blaas die basuin op nuwemaan, op volmaan vir ons feesdae* (Die Maan kalender begin nie op volmaan nie, maar wel op ‘n klein piesang maan). *Jes. 66:23 En elke maand op die nuwemaan* (Maand Seisoen vernuwing) *en elke week op die Shabbat sal alle vrees kom om te aanbid voor My aangesig, sê YAH.* YAH het nooit opdrag gegee dat ons Hom in die nag moet aanbid nie.

Wat doen ons op daardie dag? Die dag is ‘n vas dag. Vreugdevol met gesang en jubel. ‘n Dag van gebed om seëninge te ontvang vir die nuwe seisoen wat voorlê. Geen beroep-werke.

Ja ‘n nuwe tydperk wat aanbreek, ‘n nuwe Jerusalem, ‘n nuwe aarde, nuwe verbond en ‘n nuwe lewende weg en so ‘n nuwe Seisoen Sag. 8:19; Num. 28:14

Die saai en oes kalender

	Maart	April	Mei	Junie	Julie	Aug	Sept	Okt	Nov	Des	Jan	Feb
Koring	Saai		X									
Gars/Gort	Saai	X										
Hawer	Saai		X									
Ertjies	Saai	X.	X									
Lensies	Saai	X.	X									
Druiwes				X.	X.	X.	X					
Vye						X.	X					
Olywe							X.	X.	X			

Winter|Lente-----|Sommer-----|Herfs-----|Winter---

Eerstelinge fees is Mei maand en Insameling fees aan die einde van die jaar en dit is Maart maand, m.a.w. net voor saai tyd, net voordat die nuwelinge (eerstelinge) gesaai word.